

## 10 Johr Chrüzlinge mit Höf und Seerugge

Am 23. März zweituusig und nü  
sind zmol ganz vil bim Singe gsi!  
Scho zeh Johr, ihr liebe Trachtefraue,  
hend Seerugge/Höf zu üs Vertraue!  
Sind fliissig cho vom Land i d'Stadt  
und singet mit üs vom gliiche Blatt.  
Gmeinsam en frohe Trachtegsang –  
git mitenand en volle Klang!  
Chrüzlinge, Höf und au Seerugge,  
erlebet, wie bim Zämerugge  
Herz, Seel und Schnuufe profitiert,  
wenn me nu fröhlich alls probiert!  
Für euen Fliss und Disziplin –  
ich eu vo Herze dankbar bin.  
Möget die Strosse vo det und vo hi,  
üs zämfüere bim Sunneschi  
und au bi Rege, bi Sturm und Schnee!  
E Singgruppe wie mir sind, gits nienemeh!

Annemarie Hensinger